



Projekat općinskog okolišnog i ekonomskog upravljanja "MEG"

Bihać, 25. 4. 2018. godine
Br.A-02-147/18-12

OPĆINA TEŠANJ

n/r načelnika, gospodina Suada Huskića
n/r predsjedavajućeg općinskog vijeća, gospodina Senada Subašića
n/r sekretara vijeća, gospođe Sajde Klepić

JP „RAD „ Tešanj

n/r predsjednica Skupštine,
n/r predsjednika Nadzornog odbora, gospodina Mirsada Hadžića
n/r direktora, gospodina Adnana Lihića

Predmet: Projekat MEG - Radionica za predstavnike jedinica lokalne samouprave (članova općinskih/opštinskih ili gradskih vijeća i skupština, te članova skupština i nadzornih odbora javnih komunalnih / vodovodnih preduzeća)

Prema Projektnom zadatku Projekta MEG predviđeno je da Konsultant (Una Consulting) pruži tehničku podršku svim jedinicama lokalne samouprave (JLS) uključenim u implementaciju projekta. Tehnička podrška ima cilj da ojača kapacitete potrebne za pružanje kvalitetnih i kontinuiranih komunalnih vodnih usluga, koje su izvorna nadležnost JLS, uključujući i jačanje kapaciteta članova općinskih vijeća kao i članova skupština i nadzornih odbora javnih komunalnih / vodovodnih preduzeća (JKP/JVP) u vezi sa procjenom kvalitete vodosnabdijevanja i kvalitete odvodnje otpadnih voda, poslovanja njihovog pružatelja vodnih usluga (JKP/JVP), te srodnih izvještaja, kao i analizom prijedloga za usvajanje cijena vodnih usluga (tarifa).

Cilj ove podrške je podizanje svijesti predstavnika JLS, kao i poboljšanje kapaciteta za ispunjavanje zakonom definiranih obveza JLS za pružanje kvalitetnih vodnih usluga vodosnabdijevanja i odvodnje otpadnih voda svim stanovnicima na cijeloj teritoriji JLS, uključujući i marginalizirane i ranjive skupine. Drugi cilj ove podrške je i podizanje svijesti članova općinskih vijeća o svim aspektima koje obuhvaćaju usluge vodosnabdijevanja i odvodnje otpadnih voda i potrebnoj operativnoj učinkovitosti, uz potpuno pokrivanje svih odnosnih troškova nastalih pružanjem ovih usluga, što će pridonijeti odgovornijem odlučivanju u vezi sa tim uslugama.

U prvoj godini implementacije Projekta "MEG" usaglašeni su Ugovori o pružanju javnih vodnih usluga (PSA) koji precizno definiraju prava i obveze, uloge i odgovornosti jedinica lokalne samouprave i javnih komunalnih / vodovodnih poduzeća. Ovi Ugovori, potpisani od strane JLS i JKP/JVP, definiraju odgovornosti obiju strana, načine i uslove provođenja ugovornih obveza i uslove za prekid i završetak ovog Ugovora. Konsultant će podržati strukture JLS i JKP/JVP da tokom projektnog perioda aktivno rade na povećanju svijesti i izgradnji kapaciteta za cjelovito i kontinuirano provođenje potpisanog Ugovora o pružanju javnih vodnih usluga.

Pored toga, Konsultant treba da u saradnji sa predstavnicima JLS i JKP/JVP u svakoj JLS uključenoj u implementaciju projekta MEG prezentira svim **članovima općinskih vijeća** važnost ključnih principa uspostave tarifa koje će omogućiti održivost i učinkovitost pružanja vodnih usluga. Pri tom će naročito biti naglašeni principi operativne učinkovitosti, povrata troškova i priuštivosti, uz procjenu poštivanja načela korisnik plaća, ekološka učinkovitost, jednakost i ravnopravnost, te izračuna cijene vodnih usluga zasnovane na troškovima razdvojenim prema funkcijama. Očekuje se da će ova

aktivnost povećati kapacitete članovima općinskih vijeća kako bi uspješno ispunili svoje odgovornosti koje je definirao Ugovor o pružanju javnih vodnih usluga. Također, na ovaj način se očekuje povećanje kapaciteta donosioca odluka za pregled, analizu i vrednovanje izvještaja koje dostavljaju JKP/JVP o pružanju usluga vodosnabdijevanja i odvodnje otpadnih voda, kao i eventualnih zahtjeva za promjenom tarifa u skladu s Ugovorom o pružanju vodnih usluga (PSA), odnosno Metodologijom za određivanje cijene vodnih usluga kao njegovog sastavnog dijela koja je time postala obavezujuća za JLS, te za efektivan doprinos sa komentarima i prijedlozima za poboljšanje njihovog poslovanja, naglašavajući pravilno održavanje infrastrukture u vlasništvu općine.

U tu svrhu Konsultant je izradio posebne smjernice za obuku predstavnika JLS i JKP/JVP koje dostavljamo u prilogu ovog e-mail-a.

Shodno svemu gore navedenom molimo vas da u narednom mjesecu (maj 2018. godine) zajedno sa predstavnicima općinskog vijeća predložite datum održavanja, te pripremite radionicu za vaše vijećnike i članove Skupština i Nadzornih odbora JKP/JVP na jedan od sljedećih načina (koji vama najbolje odgovara):

- radionica u zgradi gdje se održavaju sjednice vijeća ili skupštine, kao posebna tematska sjednica (predviđeno trajanje radionice 3 sata)
- radionica na izdvojenom mjestu na primjer u sali nekog od hotela ili restorana (predviđeno trajanje radionice 4-5 sati),
- radionica kao jedna od tačaka sjednice vijeća ili skupštine (predviđeno trajanje radionice 2 sata).

Zbog relativno kratkog vremena za pripremu i organizaciju ovog događaja molimo vas da nam, u dogovoru sa svim onim koji trebaju biti uključeni u pripremu i organizaciju ove radionice, dostavite prijedlog termina održavanja radionice, te odaberete jednu od predloženih formi ovog događaja. Također vas molimo da učinite sve i osigurate da svi ili značajna većina potencijalnih učesnika bude prisutna na planiranoj radionici.

Molimo vas da vaš odgovor dobijemo najkasnije do 7. maja 2018. godine u 12 sati.

U slučaju da imate bilo kakvih pitanja stojimo vam na raspolaganju.

U prilogu ovog dopisa dostavljamo vam dokument "Smjernice za obuku predstavnika JLS".

Srdačan pozdrav,



Sandi Zulić, direktor